

fraterna me cogebat caritas vestrae dirigere excellentiae, vestra sanctissima humilitas 799  
recipere non dedignetur<sup>1</sup>. Audiens vero saepius bonam famam religiosae vitae de  
vobis, ideo instinctus amore fraternae dilectionis, me ipsum in tuam caritatem fideliumque  
tuorum, Deo servientium in illis partibus, commendare curavi; etiam et illud deprecari,  
5 ut cautius agas de salute animae tuae tuorumque subditorum.

Licet praefatus famulus Dei Felix laudabili vita vivat coram hominibus, tamen,  
ut videtur, in multis catholicae fidei professione<sup>a</sup> non omnino pleniter patrum sequitur  
sententiam. Et noli confidere de spetie bonitatis illius. Maledictus enim homo, qui <sup>Ier. 17, 5.</sup>  
confidit in homine. Sed magis spem tuam pone in omnipotente<sup>b</sup> Deo, et deprecare  
10 illum die noctuque, ne sit inanis labor tuus in conspectu illius, et ut fidem firmatam<sup>c</sup>  
omnique ecclesiae Christi probatam teneas. Videtur enim condignum<sup>d</sup>, ut commune  
omnium conservorum tuorum prece te totum convertas<sup>e</sup> ad Dominum et depreceris  
clementiam illius, quatenus in fide recta confirmet corda vestra; ut nullo errore  
decipiaris, nec ullus ad te pertinens vagabundus a veritatis via deviet. Erit enim tibi  
15 maxima merces<sup>f</sup> apud Deum omnipotentem, si errantes correxeris, si veritati con-  
sentieris, si humiliter legeris sanctarum scripturarum series; magis desiderans veraciter  
veritati oboedire, quam pertinaciter tuam vel cuiuslibet alterius firmare sententiam.  
Parata est enim misericordia omnipotentis Dei<sup>g</sup> tuas recipere preces, si amore veritatis  
cognoscende effuderis eas.

20 Potuissem itaque multis testimoniis sanctarum scripturarum et catholicorum  
doctorum scriptis probare Iesum Christum dominum nostrum, qui ex virgine natus  
est, Deum esse verum et filium Dei proprium; sed sapienti pauca sufficere<sup>2</sup> sciens, et  
magis<sup>h</sup> sensuum veritati arbitrans te intendere quam sermonum multiplicatione gaudere,  
credo, domini nostri Iesu Christi misericordissima pietas faciat te veritatem intellegere,  
25 si humiliter eam quaerere insistis. Quia omnis, qui se humiliat, exaltabitur; et humili- <sup>Luc. 14, 11.</sup>  
tatis passibus ad caelestis regni altitudinem pervenitur.

Una debet esse ecclesia Christi toto orbe diffusa in fide et caritate. Unum e  
duobus: aut in toto mundo est ecclesia Christi supra petram fundata, ut credimus et  
confitemur; aut etiam<sup>i</sup> in Felice<sup>k</sup> et suis paucis sectatoribus<sup>3</sup>. Quod omnino indignum  
30 est Christo deo nostro, ut<sup>l</sup> plures non habeat in ovile suo quam illos paucos, qui in  
montanis latitant cum Felice. Tu vero, vir Deo electe et dilecte, te ipsum cum tuis  
consotiis universali ecclesiae Christi coniunge, ut sis membrum honorabile illius capitis,  
qui pro te suum sanguinem fundere non dedignavit<sup>m</sup>; recogitans, quantum erit gaudium <sup>ib. 15, 7.</sup>  
in caelis super uno<sup>n</sup> peccatore<sup>o</sup> penitentiam agente<sup>p</sup>. Non dico te peccatorem, sed  
35 praedicatorem; confessorem<sup>q</sup> Christi, non aversorem<sup>r</sup> fidei; lucernam super candelabrum <sup>Matth. 5, 15.</sup>  
positam, ut luceat omnibus, qui in domo Dei sunt.

Etiam et<sup>s</sup> in hoc tuae sanctissimae voluntati obnixius suadere ratum putavi, ut  
eundem virum venerabilem Felicem tuis sanctis precibus et suavissimis suggestionibus  
convertere ad catholicae fidei unitatem et veritatem nitaris<sup>t</sup>. Fidelis est enim Deus,  
40 pius et misericors, qui nullatenus obliviscitur eius multa bona et religiosam vitam et  
labores, qua die noctuque indefessa voluntate desudat. Quanta sit tibi coram Deo et  
sanctis eius gloria et remuneratio, intende et diligentius considera, in salute fratris  
tui, etiam et tanti viri et tam praeclarae dignitatis et sanctitatis famuli<sup>u</sup> Christi.

<sup>a</sup>) professionem *P.*    <sup>b</sup>) omnipotenti *corr. -te Pa.*    <sup>c</sup>) firmat<sup>9</sup> *P.*; firmam *Pa, Q.*    <sup>d</sup>) teneas *add. Pa.*  
45 <sup>e</sup>) convertaris *P, Pa.*    <sup>f</sup>) merces *Pa.*    <sup>g</sup>) *om. Pa.*    <sup>h</sup>) et magistrum sese veritati *P pro* et magis  
*usque veritati.*    <sup>i</sup>) *an tantum? J.*    <sup>k</sup>) Felici *Pa.*    <sup>l</sup>) et *Pa.*    <sup>m</sup>) dubitavit *Pa*    <sup>n</sup>) unum *Pa.*  
<sup>o</sup>) peccatorem *Pa.*    <sup>p</sup>) agentem *P, Pa.*    <sup>q</sup>) confessionem *Pa.*    <sup>r</sup>) aversorem *Pa.*    <sup>s</sup>) et in hoc *usque*  
*pag. 272 lin. 21 qui natus est om. Pa.*    <sup>t</sup>) nitaris *P.*    <sup>u</sup>) famulo *P, Q.*

1) *Adv. Elip. I c. 9 (Opp. I, 879):* in epistola, quam caritatis officio et salutis tuae desiderio  
50 catholico calamo reverentiae vestrae exarare curavimus.    2) *Cf. supra p. 249 n. 6.*    3) *Cf. infra p. 274.*